

প্রধানমন্ত্রীরদপ্তর

## আমেদাবাদে সাবরমতী আশ্রমের শতবার্ষিকী উদযাপন অনুষ্ঠানে যোগ দিলেন প্রধানমন্ত্রী গুজরাটে সাবরমতী আশ্রমের শতবার্ষিকী উদযাপন অনুষ্ঠানে আজ যোগ দেন প্রধানমন্ত্রী শ্রী নরেন্দ্র মোদী

Posted On: 30 JUN 2017 4:44PM by PIB Kolkata

গুজরাটে সাববমতী আশ্রমের শতবার্ষিকী উদযাপন অনুষ্ঠানে আজ যোগ দেন প্রধানমন্ত্রী শ্রী নবেন্দ্র মোদী। অনুষ্ঠানে বক্তব্য রাখতে গিয়ে তিনি বলেন, বিশ্ব আজ যে সমস্ত চ্যালেঞ্জের সম্মুখীন, তার মোকাবিলা করার মতো শক্তি নিহিত রয়েছে মহাস্মা গান্ধীর চিন্তাদর্শের মধ্যে।

প্রধানমন্ত্রী বলেন, সমাজবদ্ধ জীব হিসেবে আমাদের সকলেরই উচিৎ ইতিহাসের সঙ্গে যোগাযোগ রক্ষা করে চলা। শ্রীমদ্ রাজচন্দ্রজির সার্ধ শত জন্মবার্ষিকী প্রসঙ্গে এই মহাপুরুষের অবদানের কথাও প্রসঙ্গত স্মরণ করেন তিনি। শ্রীমদ্ রাজচন্দ্রজির জীবন ও চিন্তাভাবনাকে অবলম্বন করে আরও গবেষণার প্রয়োজন রয়েছে বলে উল্লেখ করেন প্রধানমন্ত্রী।

স্বচ্ছতা,অর্থাৎ পরিচ্ছন্নতা রক্ষা প্রসঙ্গে শ্রী মোদী বলেন, পরিচ্ছন্নতার বিষয়টিকে আমাদেরউচিৎ একটি দৈনন্দিন অভ্যাস হিসেবে গ্রহণ করা। তাহলে সেটিই হবে ২০১৯ সালে মহাম্মা গান্ধীর সার্ধ শত জন্ম বার্ষিকীতে আমাদের প্রকত শ্রদ্ধার্য।

ভাষণদানকালে,বিশ্বের সমস্ত প্রান্তের নাগরিকদের সাবরমতী আশ্রম পরিদর্শনের আহ্বান জানান প্রধানমন্ত্রী।

অনুষ্ঠানে তথা কথিত গো-ৰক্ষকদের কঠোর সমালোচনাও করেন শ্রী নরেন্দ্র মোদী। তিনি বলেন, ভারত হল অহিংসার এক পীঠ স্থান। এদেশেই জন্মগ্রহণ করেছেন মহাত্মা গান্ধী। গাদি পশুকে রক্ষাকরার কথা মহাত্মা গান্ধী এবং বিনোবা ভাবে-র মতো আর কেউই তত ভালোভাবে চিন্তাভাবনা করেননি। গো-রক্ষার কর্তব্য আমাদের অবশ্যই পালন করতে হবে। তবে তার অর্থ এই নয় যে গো-ভক্তি বা গো-পুজনের নামে ব্যক্তি হত্যাকে সমর্থন জানাতে হবে। মহাত্মা গান্ধী নিজেও কখনও এই মত ও পথকে সমর্থন করতেন না। মনেরাখতে হবে, আমরা সকলেই বাস করি সমাজবদ্ধভাবে। সূতরাং, হিংসার কোন স্থান নেই সেখানে। এই দেশে কারোরই অধিকার নেই আইন নিজের হাতে তুলে নেওয়ার।

মহাত্মাগান্ধীর স্বপ্নের ভারত গড়ে তোলার লক্ষ্যে সকলকে একজোট হয়ে কাজ করার আহ্বান জানান প্রধানমন্ত্রী। তিনি বলেন, এই কাজের জন্য আমাদের স্বাধীনতা সংগ্রামীরাও গর্ববোধ করবেন।

(Release ID: 1494199) Visitor Counter: 2

## Background release reference

বিশ্ব আজ যে সমস্ত চ্যালেঞ্জের সম্মুখীন, তার মোকাবিলা করার মতো শক্তি নিহিত রয়েছে মহাম্মা গান্ধীর চিন্তাদর্শের মধ্যে

f







in